

Bil. S 47

PERLEMBAGAAN NEGARA BRUNEI DARUSSALAM
(Perintah di bawah bab 83(3) dan 5))

PERINTAH DARURAT (PERBEKALAN TAMBAHAN) (1998) (BIL. 4), 1999

BAHAWASANYA Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam dengan satu Pemasyhuran Darurat bertarikh 27 haribulan Jun, 1998 telah mengisytiharkan satu keadaan darurat dalam seluruh Negara;

DAN BAHAWASANYA adalah dipersyaratkan oleh ceraian (3) dari bab 83 dari Perlembagaan Negara Brunei Darussalam bahawa apabila satu Pemasyhuran Darurat telah dibuat dan selagi Pemasyhuran itu masih berkuatkuasa, Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam bolehlah membuat sebarang Perintah yang Baginda fikirkan perlu bagi kepentingan awam;

DAN BAHAWASANYA adalah dipersyaratkan oleh ceraian (5) dari bab 83 dari Perlembagaan Negara Brunei Darussalam bahawa kuasa-kuasa tersebut akan termasuk kuasa membuat peruntukan kewangan yang boleh jadi diperlukan sepanjang tempoh darurat termasuk peruntukan bagi perkhidmatan awam;

DAN BAHAWASANYA satu jumlah wang tiga ribu, dua ratus enam puluh lima ribu juta, sembilan ratus tujuh puluh sembilan ribu dan dua ratus tiga puluh ringgit (\$3,265,979,230.00) telah diperuntukkan oleh Perintah Darurat (Perbekalan) (1998), 1997;

DAN BAHAWASANYA satu jumlah wang satu juta, dua ratus sepuluh ribu ringgit (\$1,210,000.00) telah diperuntukkan oleh Perintah Darurat (Perbekalan Tambahan) (1998) (Bil. 1), 1998;

DAN BAHAWASANYA satu jumlah wang lapan juta ringgit (\$8,000,000.00) telah diperuntukkan oleh Perintah Darurat (Perbekalan Tambahan) (1998) (Bil. 2), 1998;

DAN BAHAWASANYA satu jumlah wang tiga puluh satu juta, tujuh puluh sembilan ribu, satu ratus sembilan puluh tiga ringgit dan lapan puluh lima sen (\$31,079,193.85) telah diperuntukkan oleh Perintah Darurat (Perbekalan Tambahan) (1998) (Bil. 3), 1999;

DAN BAHAWASANYA adalah sekarang perlu untuk mengadakan satu peruntukan tambahan sebanyak satu ratus lapan puluh empat juta, tujuh ratus tiga puluh empat ribu, enam ratus lapan puluh empat ringgit (\$184,734,684.00);

SEKARANG, DARI ITU, dalam menjalankan kuasa-kuasa yang diberikan kepada Baginda oleh cerai-ceraian (3) dan (5) dari bab 83 dari Perlembagaan Negara Brunei Darussalam, Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam telah membuat Perintah seperti berikut —

1. Perintah ini bolehlah digelar sebagai Perintah Darurat (Perbekalan Tambahan) (1998) (Bil. 4), 1999. Gelaran.
2. (1) Pengeluaran sejumlah wang yang tidak melebihi satu ratus lapan puluh empat juta, tujuh ratus tiga puluh empat ribu, enam ratus lapan puluh empat ringgit (\$184,734,684.00) daripada Kumpulanwang Yang Disatukan bagi perbelanjaan perkhidmatan yang ditentukan dalam Jadual untuk tahun 1998 yang tidak diperuntukkan atau tidak sepenuhnya diperuntukkan oleh Perintah Darurat (Perbekalan) (1998), 1997, Perintah Darurat (Perbekalan Tambahan) (1998) (Bil. 1), 1998 Perintah Darurat (Perbekalan Tambahan) (1998) (Bil. 2), 1998 dan Perintah Darurat (Perbekalan Tambahan) (1998) (Bil. 3), 1999 adalah dengan ini dibenarkan. Perbelanjaan Tambahan bagi Tahun 1998.
- (2) Wang tersebut adalah diperuntukkan bagi tujuan-tujuan seperti yang dinyatakan dalam Jadual. Memperuntukkan.

JADUAL

Tajuk	Gelaran	Jumlah Yang Diperuntukkan \$
	JABATAN PERDANA MENTERI	
S.A10	Perkhidmatan Awam	4,634,521.00
	KEMENTERIAN KEWANGAN	
S.D52	Perkhidmatan Rampaian	87,671,503.00
	KEMENTERIAN PENDIDIKAN	
S.F2	Universiti Brunei Darussalam	2,304,835.00
	KEMENTERIAN KEBUDAYAAN, BELIA DAN SUKAN	
S.L1	Jabatan Kementerian Kebudayaan, Belia dan Sukan	3,123,825.00
	KEMAJUAN	
S.P1	Peruntukan Wang Bagi Kemajuan	87,000,000.00
		<u>\$184,734,684.00</u>

WARTA KERAJAAN NEGARA BRUNEI DARUSSALAM

Diperbuat pada hari ini 25 haribulan Jamadilawal, 1420 Hijrah bersamaan dengan 6 haribulan September, 1999 Masihi, di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN
NEGARA BRUNEI DARUSSALAM